



**SCOUTING ANTIANO**

# Maneho di Programa di Hóben



Vershon 2

Publiká Mart 2021

# Kontenido

Kontenido	1
Introdukshon	2
Propósito i Suhetonan di e Maneho	4
Prinsipionan	5
Definishonnan	7
Mishon di Movementu Scout	7
Kousa di Movementu Scout	8
Prinsipionan di Movementu Scout	8
Método Scout	8
Elementonan di Programa di Hóben	9
Definishon di programa di hóben	9
Elementonan di programa di hóben	9
Responsabilidatnan pa Programa di Hóben	11
	12
Renobashon i aktualisashon	



# Introdukshon

Konsiderando ku den e di 25 Konferensia Scout Interamerikano ku a tuma lugá Sèptèmber 2013 na Buenos Aires, Argentina, resolushon 13/02 a adoptá e maneho interamerikano di programa di hóben “Una Misión, muchas aventuras”, akordando:

- adoptá e maneho interamerikano di programa di hóben “Una Misión, muchas aventuras”,
- presentá di un manera integral e elementonan i konseptonan sentral ku e desaroyo di Programa di hóben den Region Interamerikano ta kontené. Hasiendo uzo di kuadro di referensia i apoyá na e tareanan di desaroyo, inovashon, implementashon i evaluashon di programa di hóben, tantu na nivel regional komo na nivel nashonal.
- pidi Komité Scout Interamerikano pa tuma e medidanan nesesario pa garantisá e implementashon di e maneho interamerikano di programa di hóben
- invitá organisashonnan nashonal pa implementá e maneho interamerikano di programa di hóben.

Ademas, resolushon 8/14 di e di 40 Konferensia Scout Mundial, ku a tuma lugá na Ljubljana, Slovenia na 2014, a adoptá un maneho mundial di programa, ku ta mensioná entre otro lo siguiente:

Rekonosiendo ku programa di hóben ta e medio prinsipal pa logra e mishon di Scouting i ta e klave pa atraé i retené miembro, afirmando e nesensidat di tin un programa di hóben nobo según dokumento 8 di Konferensia, konferensia a:

- adoptá e contenido di dokumento 8 di Konferensia komo e maneho mundial di programa di hóben
- urgi organisashonnan nashonal pa tuma e medidanan nesesario pa reflehá e maneho mundial den nan propio maneho i prosedimentu nashonal i dediká e rekursonan adekuá pa desaroyá e implementashon di su programa di hóben.



# Introdukshon

Segun e artíkulo 4 di statuto di Scouting Antiano, un di e metanan di e asosashon ta pa bira miembro di Organisashon Mundial di Movementu Scout i kumpli ku e obligashonnan ku esaki ta trese kun'é. Esaki ta nifiká, kumpli ku e resolushonnan di tantu e konferensia mundial komo konferensia regional i pa sigui e maneho di tantu e nivel mundial komo esun regional.

Pa kumpli ku esaki i pa realisashon di e Proyektu Edukativo di Scouting Antiano a opta pa desaroyá e siguiente dokumentunan.

1. Proyektu Edukativo di Scouting Antiano.
2. Maneho di Programa di Hòben.
3. Struktura di programa di hòben.
4. Maneho di Partisipashon Hubenil.
5. Instrukshon pa funshon di Ret di Hòben.





# Propósito i Suhetonan di e Maneho

## Propósito

E propósito di e maneho nashonal di programa di hóben ta:

- adaptá e maneho interamerikano di programa di hóben den konteksto i realidat di Kòrsou,
- definí i presentá elementonan di programa di hóben di Scouting Antiano,
- establecé e direkshon di desaroyo, inovashon, implementashon i evaluashon di programa di hóben.

## Suhetonan

E maneho aki ta konta pa tur miembro di Scouting Antiano, inkluso e diferente órganonan di tomo di desishon: reunion general statutario, direktiva, staf nashonal, konseho di distrikto i konseho di gruponan Scout i tambe pa kualke otro mekanismo òf struktura ku ser kreá den futuro.



# Prinsipionan

E prinsipionan di e maneho aki ta:

**Un programa di hóben aktualisá.** Un programa ku ta produkto di un konstante refleksjon tokante e práktikanan edukativo di e Proyecto Edukativo di Scouting Antiano.

**Un programa di hóben relevante.** Teniendo kuenta ku e konteksto kultural, sosial, polítiko i ekonómiko di e komunidad den kua e resipiente di programa ta biba i krese.

**Un programa di hóben signifkativo.** Konsiderando e interes i satisfakshon di e nesesitatnan di hubentut lokal.

**E hóben komo sentro di e programa.** Un programa di hóben i no un programa “pa” hóben. Esaki ta nifiká ku e desaroyo i implementashon di e programa ta basá riba e nesesitatnan i interes di hubentut en general - no solamente di e hóbennan Scout - i ku partisipashon aktivo di e hóbennan konsiderando ku nan ta e agentenan prínsipal den nan propio desaroyo.

**Un programa pa tur hóben.** Un programa ku ta atendé e nesesitatnan di hóbennan di tur sektor di komunidad. Esaki ta nifiká ku e diseño di programa mester tin e fleksibilidat nesario pa asina por ser adaptá na e diversidat kultural, sosial, ekonómiko, rasial, religioso òf kualke otro índole.

**Un proposishon di edukashon pa bida.** Konsiderando ku un programa di edukashon pa bida ta unu ku ta brinda, den forma progresivo, e oportunitat di krese integralmente komo persona, ku ta konsiente, ta komprondé i ke transformá e realidatnan di mundu, ta tuma desishonnan segun un kódigo di étika ku ta basá riba e Lei i Promesa Scout i ku ta desaroyá su mes den un persona responsabel, solidario, outónomo, komprometé i buskando su trasendencia.

**Un programa ku ta mantené unidat den diversidat.** Un programa ku apesar di e diferente realidatnan lokal, tòg ta mantené su unidat.

# Prinsipionan

**Un programa ku ta posibilitá outonomía progresivo.** Un programa ku ta brinda hóbennan kada bes mas oportunitat pa partisipá den prosesonan di tomo di desishon, tantu den nan unidat, komo institushonalmente i den komunidad. E programa ta rekerí pa ofresé hóbennan e posibilitat pa tuma parti den desishonnan ku ta afektá nan bida, ya komo esaki ta duna un apoyo significativo den konstrukshon di siudadania aktivo.

**Un programa vinkulá ku realidat.** E programa komo un espasio den kua e hóbennan por eksperimentá segun nan nesesidatnan di kresementu i e ambiente ku nan ta biba aden. P'esei, e kontenido di e programa no por ta leu for di e realidat di e hóben, grupo ni e ambiente den kua e ta move. Mester keda atento na e kambionan ku ta tuma lugá, dunando e hóben oportunitatnan pa presensia realidat, diskubrí i krese komo persona.



# Definishonnan

## Mishon di Movementu Scout

Mishon di Scouting Antiano ta pa kontribuí na **desaroyo integral** i na **edukashon kontinuo** di hóben pa yuda krea un mundu mihó kaminda hende, komo personanan konsiente di nan balor propio, tin un ròl konstruktivo den nan komunidad.

Den esaki nos ta komprondé bou di "**desaroyo integral**":

Respetando naturalesa humano ku tur su diferensianan i interesá den hinter e persona nos ta stimulá desaroyo balansá di vários dimenshon di e personalidad di e hóben. Asinakí nos ta fomentá, forma i duna oportunidat pa desaroyá e persona ku tur su variedat di ekspreshon.

E aserkamentu balansá i integral akí ta kombiná desaroyo di kurpa, stimulashon di kreatividadat, formashon di karakter, guia di e aspekto afektivo, preokupashon pa otro i enkuentro ku Dios. Salú, logro personal, identidat, madures, integrashon sosial i asta felisidat mes ta dependé di un desaroyo harmonioso di tur e aspektonan akí.

Anto bou di "**edukashon kontinuo**":

Hende semper lo keda mira e milagernan di bida humano ku asombro. Hende ta nase, krese i muri pero e proseso di siña semper ta kontinuá.

No por limitá ningun aspekto di enseñansa na sistema eskolar òf na un periodo spesífiko di bida ya ku hende tin e nesesidat kontinuo di siña i mester dun'é e oportunidat pa hasi esaki hinter su bida.

Den Scouting, hóbennan ta bira konsiente di e proseso di bida akí dor di purba mehorá nan mes i dor di un esfuerso konstante pa ta mas mihó posibel.





# Definishonnan

## Kousa di Movementu Scout

E di 39 Konferensia Mundial ku a tuma lugá na Curitiba, Brazil, a adoptá “Edukashon pa bida” komo kousa di e Movementu.

## Prinsipionan di Movementu Scout

Movementu Scout ta basá riba e siguiente prinsipionan:

- Deber pa ku Dios
- Deber pa ku otronan
- Deber pa ku bo mes

## Método Scout

E método Scout ta inkluí:

- Un promesa i un lei
- Siña hasiendo
- Traha den grupo chikí
- Sistema simbólico
- Kresementu personal
- Bida den naturalesa
- Presensia stimulante di adulto
- Embolbimentu den komunidad



# Elementonan di Programa di Hóben

## Definishon di Programa di Hóben

Segun e maneho Interamerikano di Programa di Hóben, Programa di Hóben ta: un konhunto di akshonnan ku ta generá eksperensia edukativo, ku ta satisfasé e interes i nesesidat di hubentut, usando e método Scout, ku e meta pa kumpli ku e Mishon di Scouting.

## Elementonan di Programa di Hóben

Programa di hóben tin e siguiente elementonan:


**Organisashon di programa den sekshon.** Kada sekshon ta wòrdu formá a base di edat conforme etapa di desaroyo di e mucha / hóben. Kada sekshon ta rekerí un adaptashon spesial di e Método Scout na e karakterístikanan i nesesidatnan di desaroyo di e rango di edat definí. E sekshonnan ku tin den Scouting Antiano ta:

- Kolonia di Bever ( 5 te ku 7 aña)
- Hòrde di Wèlp (7 te ku 11 aña)
- Tropa di Scout (11 te ku 15 aña)
- Unidat di Explorer (15 te ku 18 aña)
- Tribu di Rover Scout (18 te ku 25 aña)

**Áreanan di kresementu.** Scouting ta tene kuenta ku tur dimenshon di e ser humano, i p'esei ta identifiká diferente áreanan di kresementu. Kada hóben ta wòrdu stimulá pa tuma responsabilidat di su propio desaroyo. E ophetivonan edukativo di Scouting a wòrdu organisá den áreanan di kresementu, ku no mester wòrdu konsiderá komo elementonan separá, sino komo parti di e totalidat.

E proposishon edukativo di Programa di Hóben ta rekonosé seis área di kresementu personal kual ta área di:

- kresementu físiko
- kreatividat
- karakter
- afekshon
- sosial
- spiritual



# Elementonan di Programa di Hóben

**Ophetivo general.** Scouting tin komo meta: yuda hóbennan desaroyá nan potensial pa asina nan por desaroyá nan mes komo individuo i kontribuí ku e desaroyo di sosiedat. Ophetivonan general ta un ekspreshon mas konkreto di e meta aki i ta definí klaramente, pa kada área di kresementu personal, e resultado ku ta spera di e hóben na momentu ku e sali for di Scouting.

**Ophetivo edukativo spesífiko òf di sekshon.** Pa kada área di kresementu, e ophetivonan spesífiko òf di sekshon ta definí e resultado deseabel ku e hóben lo mester alkansá durante e tempu ku el a pasa dor di e programa di su sekshon. E ophetivonan di sekshon por wòrdu mirá tambe komo ophetivo intermedio ku ta kondusí tiki tiki na e logro di e ophetivonan edukativo general.

**Sistema di progreshon personal.** Organisá basá riba e ophetivonan edukativo dunando koherensia, kontinuidat i kresementu di kompleksidat. E ophetivonan edukativo mester ta fleksibel i tin e kapasidat di ser personalisá, adaptando na e nesesidat i interes di kada hóben.

**Instanshanan demokrátiko di tomo di desishon.** Ku e ophetivo pa brinda tur e hóbennan oportunitatnan real di partisipá den e proseso di tomo di desishon di su sekshon. E instanshanan aki mester wòrdu planiá pa kada un sekshon i ta rekerí konsiderashon ku e nivel di kresementu di outonomía di e mucha / hóben.

**Sistema di partisipashon aktivo na aktivitatnan.** Kaminda e hóben ta partisipá aktivamente huntu ku e adulto den e proseso di planifikashon, ehekushon i evaluashon di bida di grupo di su sekshon.

**Aktivitatnan edukativo.** Un aktivitat edukativo ta un fluho di eksperensia ku ta ofresé e hóben e posibilidat di atkerí konosementu, abilidadat i aktitut ku ta korespondé na un óf mas ophetivo edukativo.



# Responsabilidadnan

Ta responsabilidad di Scouting Antiano:

- Di tin un infrastruktura di apoyo nesesario, enfoká riba implementá, trein, evaluá i aktualisá di un manera permanente e Programa di Hóben ku Scouting Antiano ta ofresé.
- Pone materialnan edukativo disponibel pa e implementashon di Programa di Hóben.
- Sigurá ku e personanan responsabel pa Programa di Hóben i Rekurso di Adulto ta komprometé i tin bon kolaborashon ku otro.
- Stablesé sistemanan di evaluashon permanente di e kalidat i relevansha di Programa di Hóben ku Scouting Antiano ta ofresé.
- Stablesé e mekanismonan nesesario pa sigurá partisipashon i empoderamentu di hóbennan den e Programa di Hóben, siguiendo loke ta stipulá den e Maneho di Empoderamentu di Hóbennan di Scouting Antiano.

Ta responsabilidad di kada Distrikto:

- Difundí e plannan i proyektonan di e Maneho di Programa di Hóben na tur grupo.
- Vigilá i apliká e Maneho di Programa di Hóben den e gruponan di e distrikto.
- Stimulá aktivamente e partisipashon i preparashon di adultonan na kursonan di formashon pa asina logra e Maneho di Programa di Hóben.
- Yuda organisá seminarionan, charla òf kualke evento ku ta yuda difundí e Maneho di Programa di Hóben.

Ta responsabilidad di kada Grupo:

- Planea, evaluá i dirigí akshonnan segun e Maneho di Programa di Hóben.
- Apoyá, proponé i traha huntu ku e Distrikto den aktividatnan pa difundí e Maneho di Programa di Hóben.
- Mantene su mes aktualisá riba formashon, literatura i komunikadonan ku wòrdu kompartí den Scouting Antiano.
- Implementá e Programa di Hóben segun e proposishon nashonal.
- Detektá e nesidatnan i oportunitatnan pa mehorá e implementashon di Programa di Hóben i informá Komisario di Programa di Hóben.
- Stablesé e mekanismonan nesesario pa sigurá partisipashon i empoderamentu di hóbennan den e Programa di Hóben, siguiendo loke ta stipulá den e Maneho di Empoderamentu di Hóbennan di Scouting Antiano.



# Renobashon i aktualisashon



E desaroyo di Programa di Hóben ta un proseso sistemátiko ku ta konsistí di evaluá i adaptá regularmente e maneho pa asina kumpli ku e nesesidatnan i aspirashonnan di hubentut kual ta keda kambia kontinuamente. Por lo tanto, Scouting Antiano lo revisá i aktualisá e maneho aki por lo menos kada 10 aña pa asina sigurá e relevansha di su Programa di Hóben.





# Referensia

E publikashon aki ta un esfuerso konhunto na benefisio di miembronan di Scouting Antiano. Scouting Antiano ke kontribuí na formashon di hóbenan en general. Uso di e materialnan produsí dor di Scouting Antiano por keda uzá pa otro organisashonnan despues di haña pèrmit di Scouting Antiano pa esaki. No ta pèrmití reprodukshon di e material (ni parti di e material) sin pèrmit di Scouting Antiano.

Buki i dokumentu manera esaki ta produsí dor di un persona òf grupo di persona bou di enkargo di Scouting Antiano. Tur buki i dokumentu por bira mihó i pa esaki nos ta pidi kontribushon di tur esnan ku uza e material aki.

Uza e buki aki bon i si bo topa kualkier eror òf bo tin kualkier sugerensia òf komentario kon pa amplia, mehorá òf hasi kontenido di e material aki mas útil djis manda esaki pa nos via email [info@scoutingantiano.org](mailto:info@scoutingantiano.org).

Maneho di Programa di Hóben di Scouting Antiano ta resultado di estudio di e Polítika di Programa di Hóben Mundial i Regional i interkambionan lokal. Un trabou hasí pa nos ret di programa bou di guia di komisario di programa Idylliène Corsen-Simon.

E di dos vershon aki a ser akordá dor di direktiva di Scouting Antiano sèptèmber 2019.

Un danki speshal na Fundashon Konstruí Awe i Mañan pa finansiá e produkshon.





Un produkshon di  
Scouting Antiano